

三十年遊藏記

—— 康藏資料 ——

卷十

《內部參考》

民族文化宮圖書館複制

1961年8月

附 注

唐书西藏风俗形势相若而于洪荒时代齿木结绳各国如是何况于藏惟分先进与后进尔凡有文字之国必有记载西藏时亦有文字温故而不求新者因地方险远南关自守居为世外袞印度之旧式一领袈裟豹尾虎齿煊世骇人凡国事决于桑门平民耕牧不与官阶权势贵族各为其部而统属于喇嘛政教修分以符咒为诏勅假浮图霸靡人民重形残生行于专制数千以还仍守其旧母拜其子父子同婚子居其父母女同增朋友亦可共妻重鬼贵巫獭獭为神禁新政之不举偃于文化以致落后此藏人风俗今日之大概以附唐书之后

藏史松赞冈布寿八十二岁终其子贡日贡贞早亡王孙孟松孟尊十三岁继立即位十五年其子杜松孟波立二十九岁死其子赤德祖登号墨阿惹唐书名弃隸绾赞隆基十岁即王位于聖历元年迎聘中宗之金成公主为后生赤松德赞一名兹松德贞唐书名器弩悉弄八岁理政时公主危于权势谋臣赴印度聘大河窰黎莲花生为师以为保护莲花生者系印度王子学识深远为婆罗门一高僧也时藏中盛行黑教遂将松赞冈布所立之婆罗门教易为红教以王为教主男女同修为大欢喜佛于是藏人尽弃黑教改入红教计莲花生佐王建筑宏寺宝塔数千计死后尊为莲花祖师

蒙古源流考赤松德赞迎聘印度堪布博迪萨都师及巴特玛等一为广建法轮一为治伏妖魔其庙宇佛屏之下绘吐伯特中层绘唐地上层绘中印度各国形势中供三世佛四面四偶像四大部洲八小部洲荟萃驱魔之咒日驱魔之咒日驱魔之咒驱魔之咒日浮图並光明塔共三十庙宇环绕十庙宇环绕十庙宇环十庙宇环绕十四年始成于是招集高僧法众集高僧法众集高僧法集高僧法众七百二十佛之灌顶逃吐伯特童逃吐伯特童逃吐伯特童逃吐伯特童十七年享年六十有六而没巴特六而没巴特六而没巴六而没巴特

唐 碑

金成公主下嫁时以河西九曲之地为公主湯沐所乃与唐境接近连年犯边开元十七年遣使视金成公主德赞欣然请和令其臣入朝上表并为公主请毛诗礼记左传文选各一部召秘书省写与之后以崔希逸破吐蕃于青海复绝贡犯边天宝时乘安祿山之乱尽有西域至肃宗吐蕃遣使请盟郭子仪令鸿臚寺插血以申蕃成之礼广德元年入寇经郭子仪击退德宗朝再约和盟于清水贞元三年以浑瑊充会盟使盟于平凉川吐蕃渝盟五年剑南节度使韦皋遣将大破吐蕃杀其统兵首将乞藏遮遮翌年连破蕃塞获大将赞勲热十八年九道竝进拔七城遂进维州获大首领莽热献俘于朝御制纪功碑褒之顺宗永贞元年敕赦蕃使伦矩玄藏等穆宗长庆元年吐蕃遣使清盟许之以刘元鼎为盟使于二年四月奉勅至吐蕃牙营会盟刊石以为永远之约此碑在大招门前名曰唐蕃和盟碑高约一丈五尺宽约四尺厚约二尺

大唐文武孝德皇帝、大蕃聖神贊普、甥舅二主、商议社稷如一、结立大和盟约、永无渝替、神人俱以證知、世々代々、使其称赞、是以盟大节、流传于后也、文武孝德皇帝、与聖神贊普德之黎赞、陛下二聖睿哲、鸿被晓之、俾永化享矜慈之情恩覆其无内外、商议协同、芳令万姓安泰、所思如一、成久远大治之绩、壮观同心、以伸邻好之义、共成厥美、今汉蕃二国所守、兎官封疆、洮岷之东、大唐国界、其塞之西、尽是大蕃地土、彼此不为杀敌、不举兵革、不相侵謀封疆、或有积阻拒生向事、护给以衣粮放归、令社稷山川无扰、各安人神、然甥舅相好之义苦难、每须通传、彼此相倚、二国常相往来、露差、唐差、蕃使、並於將軍谷交馬、其洮岷之东、大唐供应、清水县之西、大蕃供应、须合甥舅亲近之体、使两界煙生不虞

同扬盛德之名、频无惊恐之虞、行人撒备、乡土俱安、礼无相扰之犯、垂恩万代、则称美之声、遍于日月所照矣、蕃于蕃国受安、汉亦于汉国受乐、兹洽其大业耳、各依此盟誓、永不移易、当三宝及诸贤日月星辰之下、且陈形俱为盟、设此大誓书、如有不依此誓、汉蕃背约、破盟者来、其祸殃也、倘倾覆以及动阴谋者、不在破盟之限、汉蕃君臣、并稽首告立、周细为文、二君之德、万载称扬、内外蒙麻、人民咸颂矣、

此碑日久剥蚀、字多脱落、两侧刻有大臣太宰尚书及僧儒姓名等字、尚模糊可别、傍有古柳二株、老幹纵横、盘屈有类龙蚪之状、

附 注

吐伯特建国于拉萨改唐古忒自松赞干布逆传二世孟松孟尊三世杜松孟波四世赤德祖登五世赤松德赞六世木列尊波七世赤德松赞八世定赤九世额达热巴金与穆宗立甥舅和盟碑十世郎达马毁灭宗教地方紊乱被杀遗有二子一名额达魏松次名额达俑登分属相争种族散漫无复统一起太祖玉斧金河置为化外时康藏部落分据或僧或道亦非吐伯特之后裔至元世祖发思巴为王改唐古忒为乌斯藏置都阐元帅府分置郡县以终斯世

元史发思巴传元史八思巴

发思巴者石藏之萨迦人也生七岁能诵经万言知大义自创萨迦教暨元世祖即位应聘晋京为帝师当世祖得西域时朔方多故崇向释教其地广而险远其民悍而好鬥思因其俗以系其人乃宣诏以吐蕃之地为郡县设官分职以帝师领之立宣政院总理其事凡使者必以僧任之均出于帝师之所辟举也而内外总其政者以及将帅以下之地方官员亦必僧俗并用军民通摄于是帝师之命令与诏勅並

行而于西藏百余年之无事是两赖也帝师创蒙古字母凡四十一字颁行天下以致宫中敬礼尊宠为历代帝王师者之无也其帝之后妃公主亦悉受戒尽膜拜焉正朔朝会百官班列帝师亦或专席高坐且帝即位之初每降诏褒护必有勅章纓珮蓝珠为字赐之以尊其重凡帝师举止则必中书大臣云聚迎送每岁四月八日为迎佛之期命礼部尚书专护法驾仪仗之威列长数里以郎中为先导及其卒而归葬于舍利也命百官出郭饯祭大德九年专遣京章政事铁木儿代命护送赠金五百两银一千两币帛万疋钱三千贯皇庆二年加赠金五千两银一万两绵纁丝缎共一万七千疋其昆弟子姪往来则命有司供应无不如意泰定间帝师之弟公哥将至京师诏中书持羊酒至郊外迎劳而其兄琐南藏布遂尚公主封白兰王赐金印给圆符其弟子号司空司徒国王佩金玉之印章者前后相望而为其徒者怙势恣睢日新月盛气焰灼灼延害四方不可胜言

外 传

烏斯藏 在云南徼外距丽江府千余里由馬湖府西去一千五百里在西宁以西五千余里其地多僧而无城郭群居于大土台之上不食肉不娶妻无罪行亦无兵革疾病佛书甚多楞伽经至万卷其土台外之僧有食肉娶妻者有多夫之制兄弟三四共娶一妻亦有多妻之风姑姨姊妹共赘一婿以强者为首长嗜酒喜跳舞逢春夏天幕野居以蹀马较射为乐云

附注 馬湖府即馬湖江属四川会里县西去一千五百里为察木多现置为昌都县有大平台上建宏寺名江巴林寺乾隆五十八年勅赐祝釐寺僧不娶妻为黄教台外之僧娶妻者係指类伍齐红教喇嘛寺由此以西衛藏总名为烏斯藏察木多尚为独立部落属唐与藏风馬牛不相及而康藏喇嘛不知斋戒一日无肉惶惶如也

明一統志

明朱洪武襲宋太祖之制凡藏事不聞不問惟加封沿邊土官以防邊患而終一世

土番之地北起陝西之細浪迤南而歷西川至云南西北之境洪武六年置都指揮使司于西藏朶甘翌年于天全設宣撫司長河西魚通寧遠宣慰司及董卜韓胡宣慰司徼外置招討六万户府四千户所十七因路險遠各守疆域大者每年一貢小者或三年以至六年一朝于是自西徂以來邊省无患二百余年遇有寇盜之時則遣僧慰之尋即解散其邊徼內之番如陝西之岷州洮州四川之龍州黎州諸處民雜羌夷虽係吐蕃種類久已內屬悉听官府約束不復生梗所謂熟番其生番者為化外之民頑梗異常遇事則地險隘饋餉為艱所以邊絕之法其區域固得其宜蓋彼虽地瘠人貧性情獷悍然其俗素向鬼神隨其俗以為其治当依岷州之例建一大刹擇番僧中有道行素為眾所信服者授之誥印俾受其職以守其地每歲遣人賞賽一次仍於維州或松州立一大營駐紮撫慰扼其要害擇地為市如此則可以稍紓蜀人運輸之苦而息邊境劫掠之患

明外史西蕃傳

洪武初年襲元之制詔吐蕃各族之酋長尚有官職者舉至京師授封于沿邊設置指揮宣慰招討等司並建立五卫衛門頒以印信号紙使其因俗以為治加封已故之帝師發思巴為炽盛佛大宝國師已故南哥思丹八亦監等為都指揮同知宣慰使等官由是蕃僧有被封為灌頂大國師及贊善王蘭化王正覺大乘法王大宝法王等俱已賜給印章誥命比岁或旬岁一赴京師朝貢其所置之宣慰招討等司三十有三列如下

烏斯藏都指揮使司

朶甘卫都指揮使司

陇答卫指挥使司

朵甘思招讨司

朵甘丹招讨司

朵甘川招讨司

沙儿可万户府

罗思端万户府

董卜朝胡宣慰使司

倫答千户所

朵甘思千户所

兆日千户所

孛里千户所

多巴参孙千户所

加八千户所

撒里土儿千户所

参卜郎千户所

池里坝千户所

朵甘宣慰使司

朵甘陇答招讨司

朵甘倉塘招讨司

磨儿勘招讨司

乃竹万户府

列思磨万户府

长河西鱼通宁远宣慰使司

果由千户所

刺宗千户所

納竹千户所

长河西千户所

沙里可哈思的千户所

孛里加思东千户所

刺错牙千户所

崗则魯千户所

续藏史鑑

西藏另有仿纂正法源流法王世代明鏡一书名雪山土邦天神降世之王臣史为自在妙善所注成于崇十六年于民国三十二年经成都华西边疆研究所李安宅刘立千二君译汉文英文付刊行世书名续藏史鑑此书原稿共一百零三页因前半部与西藏政教史鑑畧同未译始由郎达馬起至明季分属明显发思巴王藏制有司徒司空福幢等官歿后递传僧俗並行至明太祖时藏王为曼珠国师其地方形势仍係分据时代故太祖袭于元制来者受之不来者听之封其王以藉其势二百余年太平无事唯一宗教也

宗喀巴

宗喀巴一名罗卜藏札克巴幼名阿劫蒙古人永乐十五年生于西宁府八岁出家十四岁入藏习经三十四岁阐明黄教于成化十四年圆寂为黄教之祖当明初之时西藏诸法王皆以红绮袈裟本印度袈裟之旧式其后红教专持密呪而流弊至以吞刀吐火炫世骇俗无异巫师尽失戒定慧旨宗喀巴初习红教继而深观天象气数已尽遂以改革以大小分为三乘四空无我之功独身修炼不准娶妻自黄其衣冠故名黄教临终嘱其大二弟子世世以呼毕勒罕轮迴转生是为西藏以喇嘛为藏王递传之始

达赖喇嘛

达赖喇嘛係宗喀巴之大弟子二弟子为班禅喇嘛其喇嘛二字为无上也而班禅亦名额尔德尼达赖为观音合体之光班禅为金刚化身之体在印度已转生数十世而死不失真性自知生往何方至时弟子往迎以证轮迴转生不昧本性之元始故班禅达赖易世互相为师其教旨慈航普渡不闻幻术当明之中叶已远出各教之上然未受封于国朝者因以未之知也第一世名敦根珠巴原为萨迦派后从黄教改名罗伦嘉穆搓以承宗喀巴法传之衣钵是为法王兼藏王之始第二世名根敦嘉穆搓自置第巴等官釐定兵刑赋税其弟子呼图克图分掌教化于正德间传教于国内武宗遣中官率将校十八兵士千名赴藏迎之达赖弗愿国人匿之将士欲威以兵为吐蕃所败遁还适武宗崩世宗立尽尔遣番僧继崇道教不信佛教始以达赖之不欲行似有前见焉第三世名镇南嘉穆搓其名益著青海河套诸蒙古固不嚮服于隆庆中蒙古顺义王俺答蹈青海躬入西藏迎达赖至青海建仰华寺奉之大会诸部酋长饮长生水达赖戒其好杀劝以东还而俺答亦劝其早通中国乃至甘州穆宗遣大学士张居正北巡与达赖会晤上书达赖非比邱为先知先觉死后能知前世之事遂封为西关自在

佛而达赖自称释迦牟尼比丘时国内始知西藏有活佛其为人也于是藏中大宝大乘诸法王亦皆俯首称弟子改从黄教者数百寺院化行塔部东西数万里熬茶膜拜视若天神诸藩王则徒拥虚位不复能施其号令第四世名云丹嘉穆磋生于蒙古图古隆汗族十四岁入藏坐牀二十八岁圆寂事蹟弗著然河套青海蒙古皆守其戒不敢抄掠西睡赖以安枕者五十余年至第五世名阿旺罗卜藏嘉穆磋生于万厯四十五年在西藏萨斯嘉达克博地方其生之日与释迦牟尼佛同十五岁坐牀适张献忠乱川时青海及喀木地方为厄鲁特之额宴汗所袭以青海地广令子孙游牧喀木沿边各土司轮流供赋时藏中教务纷争因达赖幼稚不能制止遣第巴桑节求援于青海之额宴汗以喀木为资遂出兵援藏驱逐红教置达赖于前藏分班禅于后藏自行为青海额宴汗至清初崇德二年有察哈尔喇嘛名黑尔根者善观天运知明数已尽将察哈尔汗所藏之发思巴金佛护法喇嘛哈喇之佛像奉至盛京太宗大悦于城西建宣胜寺供之铸钟千韵悬诸东西左右建碑以记其事命毕礼克图朗苏喇嘛宣诵功德其毕礼者係爱新觉罗氏之外子从黑尔根进言延请达赖太宗遣察罕喇嘛致书于唐古忒及青海之额宴汗顺治九年达赖晋京据清史当达赖来京之时先奏起行日期内请朝见之地在归化城或代噶地方为适宜世祖遣理藩院侍郎沙济达喇等迎之谕诸王貝勒大臣九卿科道曰当太宗文皇帝时尚有廓尔喀一隅未服以外蒙古惟喇嘛之言是听因延达赖其使尚未还太宗皇帝晏驾睿王摄政时复遣使往请达赖覆以卯年送馬辰年来朝及朕亲政之后召之达赖既已啟行从者三千人朕欲亲至边外迎之使达赖驻劄边外凡外藩蒙古貝子等欲见达赖者即应在外相见若使达赖入于内地今年岁收甚歉达赖从者又众恐非国益倘弗往迎之则我既召之来必致中途而返恐廓尔喀部因之弗归顺也迎之合理与否尔等各抒所见以奏满洲诸臣议曰我等请之达赖即来如上亲至边外迎之使达赖驻于边外若达赖欲入内

地須使其少帶隨從若欲在外可听其自便如上親往迎之則廓爾喀必從之而來裨益在我設若請而不迎之于理未當所以盡我之礼以敵達賴即不入喇嘛之教何妨迎之漢臣議曰為天下國家之主者不當往迎况達賴從者三千余众且遇歲歉不可使入內地以特召之故可于諸王大臣中遣一人代為迎之使達賴駐于邊外即以金銀等厚贈亦所以敵之也兩议具奏未決上諭達賴曰朕欲出邊躬迎然內地西南盜發羽書時聞以國家之重務難以輕置用是不能出邊遠迎特遣亲王大臣前往侍駕俟寇靖无事便圖親往倘仍有事則惟于邊內近地相会達賴再奏聞內地天气浩熱時症甚多于邊外相見諸事為宜上允以至代噶地方相迎達賴遂兼程前進上將親往時大學士洪承畴陳之遴等奏曰臣观钦天監昨太白与日爭光流星入紫微宮竄思日者人君之象也太白爭光紫微宮者人君之位也流星竄入竄上天垂象誠宜警惕且今年南方苦旱北方苦涝岁飢寇警处处入告宗社重大非聖躬远行之時虽曰百神可护六軍扈从自无他虞然邊外究不如宮中之固遊幸究不若靜思之為安也達賴喇嘛自通方來遣一大臣迎接已足見优待之意亦可服蒙古之心何勞聖躬親往戡天道深遠原非臣等所能測度但乘輿將駕而星變适彰此誠上蒼仁愛陛下之意也不可深思之疏入上曰此奏甚是朕之行即以停止達賴又奏謂帝欲于代噶地方相見不胜歡忭自当前進更有密事面奏上諭朕欲親往迎迓近因盜賊間發羽檄時聞國家重務碍難輕置是以不能前往特遣和碩承澤亲王及內大臣代迎當諒朕之不能親行之意達賴旋至京師延之南苑陛見賜坐達賴獻馬匹方物上納之御太和殿賜宴賞金器綵緞鞍馬諸物時厄魯特之碩果汗亦上表貢方物兼請達賴早日回藏比年天全六番及董卜韓胡黎州長河西魚通寧遠泥溪沈村寧戎等土司各繳前朝敕印來歸

順治十年達賴喇嘛奏言此地水土不宜多病从人亦病欲請告归世祖命亲王貝勒大臣会议具奏一日達賴原系特召当詢其事倘

以不加询问使达赖含愠而去则廓尔喀厄鲁特各部必叛如询之达赖必言宜于我则从不宜于我则已询问似不可以已也一日不可询问如询之达赖倘不用其言则益含愠而去且既荷天佑征服各路以成大业其时并无达赖其人也即係特名当赐以金银缎帛酌封名号给之册印以不加询问为便此议奏入即止询问上谕达赖曰水土不服从人多病已命太医院前往详诊既来此可从容往往代噶侯草蓐之时便召藩王贝勒相会世祖御太和殿赐宴并赐鞍马金银珠宝绿缎诸物皇太后亦赐金银缎疋于是达赖告辞而还上命和硕承泽亲王偕固山贝子吴达海率八旗官兵送至代噶地方命皇叔和硕承泽亲王济尔哈朗礼部尚书觉罗郎邱钱道于清河复遣觉罗郎邱同理藩院侍郎吉达礼赉送金册金印封达赖喇嘛名号用汉满及唐古忒字其文如左

朕闻独善兼修开宗之义弗同出世入世设教之途亦异然而明心见性与淑世觉民其归一也兹尔罗卜藏札素达赖喇嘛襟怀贞朗德量深渊慧定双修色空俱泯用能宣扬释教诲导愚蒙其化被西方名驰东土我皇考太宗文皇帝闻之愿与尚时已遣使迎聘尔早识天心许以辰年来见朕荷皇天眷命撫有天下果如所期应聘而至仪范可采语默有度臻般若圆通之境境慈悲摄受之门诚觉路之梯航禅林之山斗也朕甚喜之兹特册封尔为西天大善自在佛统领天下释教慈航普渡应劫现身佛化隆兴随机说法利济群生或益无休欵达赖奉命奏谢由代噶起程还藏世祖命固山贝子吴达海送之是年达赖派喇嘛锁南毕拉式来贡十四年平西王吴三桂通藏与第巴桑结密约以分厄鲁特之势于是沿边土司内附者三十余处至康熙十三年吴三桂谋叛清庭命青海硕实汗率蒙古兵由松潘入川桑结使达赖上书代吴乞情云若三桂穷蹙来降宥其一死倘意鸱张不若裂土与之罢兵圣祖严斥桑结尽以喀木所有援吴后吴世璠王云南于此征调战马并通书西藏割维西中甸与之求援其书行至青海被清军

所获而清庭亦未之向至二十一年第五世达赖圆寂第巴桑结欲专国事秘不发表伪言达赖入定高阁忌见生人凡事传达赖之命令而行于是桑结专横无忌竟杀藏王藏巴汗驱逐红教自立为藏王

第巴桑结

第巴官名係七品以下之官有司糴糶第巴牛羊第巴桑结原为司帐第巴故名第巴桑结自动随从达赖智略多谋一心腹也时桑结为噶伦与藏巴汗不睦乞师于青海硕实汗剪灭之许其子袭其职盖藏巴汗为红教于是诸法王尽行驱逐以达赖班禅分主三藏以彰黄教之威由此桑结声势大炽达赖进贡上书言年迈凡国事决于桑结乞赐封爵圣祖勅封桑结为藏王而为拉藏汗所忌拉藏汗係硕实汗之孙也欲以除之恐足以济龙呼吐克图往脱噶尔丹攻青海以分其势密派昌侧集列捷道东犯打箭炉杀长河西鱼通宁远宣慰司锡拉札克巴佯言为青海兵係假祸于硕实汗也

康熙二十一年第五世达赖圆寂桑结欲专国事秘不发表伪言达赖入定忌见生人凡事传达命令以行之于是桑结益行专横二十三年诏四川提督唐希顺率兵赴打箭炉驱剿平之以宣慰司之妻噶囊职祇知达赖已死係为桑结一人所为圣祖遣京师喇嘛入藏探之归言桑结使以遥望礼拜见高楼绛纱之中有人跌坐烟云环绕不明真像圣祖于三十五年亲征噶尔丹尽收其地噶尔丹为厄鲁特族之强者因不和于蒙古败之据云此行非本意係达赖使言南征大吉是以深入上谓达赖在必无其事即遣使入藏责桑结书曰朕询之降蕃皆言达赖喇嘛脱恹久矣尔至今匿不奏闻且达赖在日塞外无事者六十余年尔乃屡唆噶尔丹兴戎乐祸道法安在达赖班禅分主教化向来互相为世达赖如果厌世当告诸护法王以班禅代理宗教乃使众不尊班禅而尊己竟阻班禅进京之行朕欲和解準噶两部尔秘使昌侧集列东犯打箭炉杀宣慰司假祸于硕实汗密使济龙呼吐克

图往说噶尔丹之叛为贼军卜云诵经张盖山上观战胜则南怕不胜
代为赎款以劳我边师皆係尔唆使噶尔丹之由今以殄灭准夷告捷
礼以噶尔丹佩刀一及其妻阿奴之佛像一佩符一齋往使至之日令
与达赖晤面令班禅来京执济龙以畀我如其不然朕檄其云南四川
陕西之师见汝城下汝其纠合四厄鲁特之人以待且勿悔也桑结惧
遣使密奏言为众生不幸第五世达赖已于壬戌年示寂转生静体今
十五岁矣前恐唐古忒人民生变故未发表今当以丑年十月二十五
日出定坐牀求大皇帝勿宣泄至班禅因未出痘不敢至京济龙呼图
克图当竭力致之京师乞全其身命上许为秘之时准噶尔汗为策妄
阿喇蒲坦当征噶尔丹时助兵同剿欲得其地旋被桑结所阻结为寇
仇比桑结使归途被策妄所获始知达赖已死十五年秘不发表传集
各蒙古宣其被密欲兴向罪之师共同上书云藏中旧规达赖圆寂班
禅代理班禅圆寂达赖代之或同时年约以法王相助今达赖圆寂匿
而弗宣桑结竟敢自行另立达赖违法倡乱以危宗教现蒙古青海诸台
吉两共知乞请明正其罪云圣祖以桑结策妄二人皆巨测未之许也
康熙四十四年桑结谋毒拉藏汗不遂以兵逐之拉藏汗集众讨诛桑
结上嘉其勇诏封拉藏汗为翊法恭顺汗以桑结所立之假达赖召觐
献京师行至青海病死拉藏汗与藏人另立伊喜嘉穆为第六世达
赖而青海诸蒙古复不信之别奉裏塘罗卜藏仁青策养嘉穆为真
第六世达赖喇嘛康熙二十二年转生二岁著见灵异今已二十岁诸
蒙古迎至青海坐牀请赐册印而与藏中所奏互相是非上恐齟齬诏
青海达赖暂居塔尔寺于四十八年着侍郎赫寿驻藏协同拉藏汗办
事意在调解是为驻藏大臣之始

厄鲁特蒙古之种族也以准噶尔最强至元时为厄鲁特奄有新
疆内分五部准噶尔厄鲁特贺兰山厄鲁特新旧土尔扈特杜尔伯特
青海之和硕特时策妄阿喇蒲坦为准噶尔厄鲁特汗其妻为拉藏汗
之姊並赘其子丹衷为婿因蒙古别奉达赖否认拉藏汗所立之达赖拉

藏汗未之理也。圣祖以准噶尔谲诈勅拉藏汗毋恃亲疏须严防之。拉藏汗耄而嗜饮不以为意。于康熙五十五年策妄以台吉官车零敦多布率精兵八千徒步绕戈壁逾和南大雪山昼伏夜行达于藏界云。为送丹衷夫妇为名沿途无阻。比至拉萨围攻经月不下。后诱其内应杀拉藏汗获其妻子。搜集各庙重器运回伊犁。禁藏中所立达赖于扎克寺。遂以东犯江达。翌年诏西安将军额伦特帅兵八千往剿。遣侍卫色稜招青海蒙古兵六千逾拜都岭。额伦特军出库赛岭。贼佯败暗伏精兵于木鲁乌苏江比。至两军相会。贼众数万以其半据江阻其前进。而分兵蹙出其后。截断餉道。月余粮尽矢竭。全军覆没。贼氛益炽。时青海蒙古皆惮以藏势。奏言达赖喇嘛可随地安禅。俾免王师远涉之劳。而王公大臣以惩前败。因地险远。圣祖以西藏为青海滇蜀之屏蔽。前准夷盗据。将来边无宁日。决意讨之。康熙五十七年以皇十四子允禔为抚远大将军屯青海。木鲁河沿诸粮饷。将军傅尔丹与富宁安分出巴里坤阿尔台以猎其北。四川将军噶尔弼出打箭炉。西安将军延信经青海两路并进。于是藏中亦知青海为真达赖喇嘛桑结与拉藏汗所立之。属乞请于朝。设置禅榻。上许之。于五十九年蒙古汗王贝勒台吉等各自率所部兵旅或数千或数百随清军扈从达赖入藏。军容甚整。车零敦多布由中路自拒。青海军以桑结降番四千堵拒南路。时南路将军噶尔弼已招巴塘壤塘番众进至察木多。夺洛隆宗三坝桥之险。旋奉大将军檄俟期并进。噶尔弼恐期久粮溃。纳副岳鍾琪以番攻番之计。以土司为前驱。造皮船渡河直抵拉萨。降番数千。分兵隘要扼敌。餉道时青海军亦三败。贼兵一日却营。斩俘敌兵千计。而贼腹背受敌。遂大溃。不敢回藏。由旧路北窜。旋被将军傅尔丹伏兵截杀。得以生还伊犁者不过数百人。诏封罗卜藏仁青策养为第六世达赖喇嘛。于九月坐林将拉藏汗所立之达赖移至京师。凡桑结准噶尔助逆之喇嘛于军前正法。留蒙古兵二千以拉藏汗旧属贝子康济鼐驻紮前藏台吉颇罗鼐驻紮后藏。御制平定西藏碑文勒石建于拉萨之大招

圣祖仁皇帝御制平定西藏碑文

昔者太宗文皇帝之崇德七年班禅额尔德尼达赖喇嘛固始军
谓东土有圣人出特遣使自人迹不到之区经仇敌之国越数年始达
盛京至今八十载同行善事俱为施主颇极安宁后达赖喇嘛之殁其
巴隐匿不奏者十有六年任意妄行拉藏之复兴其法因而允从拉藏
库库脑儿群众公同之请中商策妄阿喇蒲坦妄生事端动准噶尔之
众肆行奸诈滅德达赖喇嘛並废第五世达赖之塔辱衺班禅毀坏寺
庙杀戮喇嘛名为兴教而实灭之且欲窃据吐伯特国朕以其所为非
法爰命皇子为大将军王又遣朕子孙等调拨满洲蒙古绿旗兵各数
万历烟障之地士馬安然而至贼众三次乘夜盗营官兵奋勇击杀贼
皆丧胆远遁一矢不发平定西藏振兴法教赐今虎必尔汗册印封为
第六辈达赖喇嘛安置禅榻撫綏吐伯特僧俗人众各复生业于是文
武且工咸谓王师西讨历瘴疠险远之区未半载辄建殊勋实从古所
未有而诸蒙古部落及吐伯特酋长亦合词奏曰皇帝勇略神武超越
往伐天兵所临邪魔扫蕩复兴蒙古向所尊奉法教坎麻藏卫等部人
众咸得拔离汤火乐土安居如此盛德大业非目下颂扬所能宣罄请
赐御制碑文鐫勒招地以垂永久朕以何功焉而群众勤请不已爰记
斯文立石西藏俾中外知达赖喇嘛等三朝恭顺之诚诸部落累世崇
奉法教之意朕之此举所以除逆撫顺綏众兴教云尔

附注康熙五十九年西藏盟噶布伦会议办事处勒封康济鼐阿
尔布巴隆布鼐颇罗鼐札尔鼐五人爵位会办藏中大小事务藏名噶
厦公所其康济鼐者係石藏人因准噶尔犯藏坚守阿里有功封为贝
勒受理后藏西北一带地方事宜阿尔布巴係工布人当车零敦多布
由藏东犯堵御江达有功封为贝子管理工布波密一带地方事宜隆
布鼐本前藏人原为噶布伦乱时与札尔鼐同赴青海迎接大将军勒
策向导有功封为公爵受理前藏东北一带地方事宜颇罗鼐后藏萨
迦人原为拉藏汗之将率兵赴援旋被俘擄始终不降初封为噶布伦

办理达喇嘛商上事务旋封为一等台吉受理后藏一带地方事宜札尔鼐前藏人向为达赖之仓储巴与隆布鼐向导有功初授噶布伦后封为一等台吉受理前藏附近一带事宜遵旨循守各尽其职

雍正元年青海罗卜藏丹律作乱以大将军年羹尧讨之丹律窜藏差四川松潘镇总兵周瑛率兵三千出打箭炉云南提督郝玉麟统领官兵二千驻察木多以为声援周瑛由北路经三十九族捷道前进合藏军康济鼐兵夹攻于阳巴井匪势不支追至噶尔藏骨岔大雪山丹律走死是年班师封达赖喇嘛为西天大善自在佛统领天下黄教事

雍正三年贝子阿尔布巴等谋杀康济鼐因阿尔布巴兼理噶布伦事务及见康济鼐权势威赫暗通准噶尔以熬茶为名袭藏与隆布鼐札尔鼐为内应时策妄已死其子策楞立请赴藏声言送还所擒拉藏汗二子清廷严责遂命内閣大学士僧格副都统马济先驰赴藏抚绥人民保护达赖暂移避惠远庙至雍正五年特遣左都御史查朗阿为正帅护军统领迈禄西宁镇总兵周开捷副之官兵八千出青海散秩大臣周瑛携副将杨大立张翊官兵三千出打箭炉由北道前进云南鹤丽镇总兵南天祥副将姚起龙冯奎统兵三千出阿墩子由崩子兰渡澜沧江直赴察木多沿三路并进周瑛由三十九族捷道至墨竹工卡闻颇罗鼐纠合后藏阿里番兵五千直捣拉萨已擒阿尔布巴等俟大军到藏缚而献于军前公同审讯磔之以颇罗鼐为郡王总其全藏军务赐犒兵银三万两置正副大臣二人留川陕兵二千分驻前后藏于沿途设台戍兵镇守是年班师时逢冬月云南官兵四百余人行至瓦合山一桂峰下紮营一夜风雪人马全行冻死

附注惠远庙原名泰宁寺西距打箭炉三百二十二里因第六世达赖避难于此勒建赐名惠远庙现改乾宁县

雍正五年诏副都统鄂齐内閣学士班第四川提督周瑛与藏会勘界址以宁静山为界山以东属川山以西属藏南于邦木塘北于达

拉山刊立界碑巴塘正副土司所辖盐井澜沧江以西至毕土小河与西藏界南于桥头与云南中甸界

雍正十二年准噶尔请和世宗殄念生灵疾苦准其所请定界息兵以免荼炭诏果亲王偕章嘉呼图克图指泰宁赐宴达赖喇嘛久离藏地谕其回招命副都统福寿兵部郎中祁山理藩院郎中拉布坦四川提标中军副将张学圣率领泰宁驻防官兵五百名随同果亲王扈从达赖喇嘛回藏四月自惠远庙起程于七月望二日抵昭九日入布达拉坐床遣郎中祁山副将张学圣率兵二百五十名护送章嘉呼图克图赴后藏扎什伦布寺宣谕班禅额德尼传衣授戒

乾隆三年准噶尔策楞复请入藏熬茶高宗许之时颇罗鼐训练精骑及步兵万五千余名分驻腾格里海生格劳等处设卡以逼准噶尔叶尔羌之路军容甚整自是准噶尔不敢南窥由此卫藏西南之额纳特珂克拉达克汗德惠那木扎尔巴勒布巴尔底萨哲孟雄布鲁特布鲁克巴诸部落望风入贡时驻藏大臣抗奕兴奏进贡八国

乾隆十五年颇罗鼐死其子朱尔墨特袭封郡王以驻藏大臣不便于己先奏罢驻防之兵暗通准噶尔未援自为内应先杀其兄扬言准兵已至聚党数千时驻藏大臣都统傅清左都御史拉布敦知其叛逆欲先发制止惜左右无兵乃设计诱朱尔墨特入布达拉宫中乘其登楼手刃之傅亦被害事闻清廷命四川总督策楞提督岳鍾琪携兵一万西出夔关未至闻达赖已使蕃部班第达聚兵拉萨将逆党擒获上诏磔之赏傅清拉布敦为一等伯並勅立双忠祠永禁西藏与准噶尔通往来至此西藏不封汗王贝勒以四噶布伦分其权宜总之于达赖以四川绿营二千分驻前后藏沿途设台置驻藏大臣正副二人率兵镇守保护达赖喇嘛凡藏中地方练兵防禦山川形势列图复奏

驻藏大臣始于顺治十年因封达赖喇嘛统领天下释教西天大善自在佛每年正月朔望领导甘丹别蚌色拉各寺喇嘛祈禱太平经世祖遣固山贝子进藏伺俸熬茶名曰熬茶钦差及达赖祭典由钦差